



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400
fax. +387 33 726 414
e – mail: info@voda.ba

Broj: **UP-1/21-3-40-411-4/22**
Datum: **21.10.2022. godine**

«Agencija za vodno područje rijeke Save» Sarajevo rješavajući po zahtjevu pravnog lica «ENERGOPETROL» d.d. Sarajevo za donošenje Rješenja o vodnoj dozvoli za ispuštanje tehnoloških i oborinskih onečišćenih otpadnih voda u prirodni recipijent sa lokacije objekta benzinske pumpe sa autopraonicom i ostalim pratećim sadržajima «Jelah» izgrađenog u naselju Jelah, općina Tešanj, na osnovu člana 109. stav (1) Zakona o vodama («Službene novine Federacije BiH», broj 70/06) i člana 200. stav (1) Zakona o upravnom postupku («Službene novine Federacije BiH», broj 2/98, 48/99 i 61/22), donosi

R J E Š E N J E **o vodnoj dozvoli**

1. Pravnom licu, «ENERGOPETROL» d.d. Sarajevo daje se vodna dozvola za ispuštanje tehnoloških i oborinskih onečišćenih otpadnih voda u prirodni recipijent sa lokacije objekta benzinske pumpe sa autopraonicom i ostalim pratećim sadržajima «Jelah» izgrađenog u ul. Husejina kapetana Gradaševića bb, naselje Jelah na zemljištu označenom kao k.č. broj: 143/1 K.O. Jelah, općina Tešanj.
2. Vodna dozvola se daje na osnovu dostavljene dokumentacije, utvrđenog činjeničnog stanja tokom uviđaja izvršenog na lokaciji objekta i uz sljedeće uslove:
 - 2.1. Da se upotreba i korištenje predmetnog objekta vrši u skladu sa njegovom prirodom i namjenom te u skladu sa dostavljenom dokumentacijom i uslovima iz ove vodne dozvole.
 - 2.2. Da korisnik predmetnog objekta, za vrijeme trajanja ove dozvole, obezbjeđuje da se onečišćene vode sa saobraćajnih i manipulativnih površina, kao i tehnološke otpadne vode iz samouslužne autopraonice nesmetano sakupljaju i odvođe do objekta predviđenog za tretman onečišćenih voda (separator ulja i masti), a zatim ovako tretirane vode ispuštaju u mjesni kanalizacioni sistem sa krajnjim ispustom u rijeku Usoru.
 - 2.3. Prečišćene oborinske i tehnološke otpadne vode moraju ostati u maksimalno dopuštenim granicama definisanim članom 14. i članom 15. Uredbe o uslovima ispuštanja otpadnih voda u okoliš i sisteme javne kanalizacije («Službene novine Federacije BiH», broj 26/20 i 96/20).
 - 2.4. Objekte čija je svrha odvođenje i prečišćavanje tehnoloških i oborinskih onečišćenih voda (separator ulja i masti, slivnici, kanalizaciona mreža) treba redovno održavati i koristiti na način koji će obezbijediti njihovu potpunu ispravnost i funkcionalnost.
 - 2.5. Čišćenje i pražnjenje uređaja za tretman otpadnih voda, odnosno separatora ulja i masti može vršiti isključivo firma ovlaštena za tu vrstu djelatnosti, prema posebnom ugovoru.
 - 2.6. Korisnik je obavezan da redovno vodi dnevnik o pražnjenju i odvozu sadržaja separatora ulja i masti, izdvojenim naftnim derivatima i talogu iz separatora ulja i masti.
 - 2.7. Skladištenje nafte i naftnih derivata vršiti u podzemnim dvoplašnim čeličnim rezervoarima ukupne zapremine 120 m³ (2x60 m³).
 - 2.8. Skladištenje i pretakanje nafte i naftnih derivata kao i ispitivanje ispravnosti i propusnosti rezervoara za skladištenje goriva vršiti u skladu sa Zakonom o naftnim derivatima u Federaciji Bosne i Hercegovine («Službene novine Federacije BiH», broj 52/14) i propisima iz ove oblasti, a na način da se spriječe dospijevanje nafte i naftnih derivata u podzemne i površinske vode.
 - 2.9. Korisnik objekta je dužan, putem laboratorije ovlaštene od strane Federalnog ministarstva poljoprivrede, vodoprivrede i šumarstva, vršiti redovna ispitivanja kvaliteta otpadnih voda, uzimanjem uzorka efluenta iz okna za monitoring u skladu sa Uredbom o uslovima ispuštanja otpadnih voda u okoliš i sisteme javne kanalizacije. Učestalost i način ispitivanja vršiti u skladu sa članom 20. Uredbe o uslovima ispuštanja otpadnih voda u okoliš i sisteme javne kanalizacije. Rezultate analiza dostaviti ovoj Agenciji.
 - 2.10. Izvještaje o ispitivanju i ocjeni kvaliteta otpadnih voda može uraditi isključivo laboratorija ovlaštena od strane Federalnog ministarstva poljoprivrede, vodoprivrede i šumarstva po osnovu člana 64. stav (3) Zakona o vodama i Pravilnika o uslovima koje moraju ispunjavati referentne

- odnosno ovlaštene laboratorije za ispitivanje voda, sadržaj i način davanja ovlasti («Službene novine Federacije BiH», broj 14/10, 14/13, 26/14, 23/17 i 41/20).
- 2.11. Osigurati priručna sredstva za brzu intervenciju u slučaju nekontrolisanog istjecanja nafte i naftnih derivata, kako bi se spriječilo moguće onečišćenje voda i tla (piljevina, prikladni absorbensi, odgovarajuće posude, uređaji za pretakanje i sl.).
- 2.12. Talog iz separatora se ne smije ni privremeno odlagati na česticu «vodno dobro», odnosno u vodotoke i na njegove obale.
3. Vlasnik, odnosno korisnik objekta je obavezan voditi propisne evidencije, te nadležnim organima dostavljati propisane obrasce (Obrazac EBS) u skladu sa Zakonom o vodama i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada («Službene novine Federacije BiH», broj 92/07, 46/09, 79/11, 88/12 i 03/16), Prilog 1. Poglavlje V – Određivanje koeficijenata zagađenja za zagađivače voda kod kojih se ne vrše direktna mjerenja voda, tačka 22. i 13. tabele te prema dostavljenim obrascima izvršavati u cjelosti i u propisanim rokovima obavezu plaćanja vodnih naknada.
4. U periodu važenja ove dozvole, Korisnik je dužan provoditi sve mjere i aktivnosti propisane istom.
5. U slučaju izvanrednih situacija, havarijskih onečišćenja i drugih sličnih okolnosti, čime bi bio ugrožen kvalitet podzemnih i površinskih voda, korisnik objekta obavezan je izvijestiti nadležne organe i izvršiti izvanredna postupanja po nalogu nadležnih organa, te o vlastitom trošku uzroke štete otkloniti, a nastale štete nadoknaditi.
6. Ukoliko usljed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na objektima predmetne benzinske stanice obuhvaćenim ovom vodnom dozvolom, korisnik zaštitnih vodnih objekata nije odgovoran za nastale štete.
7. Ukoliko radom predmetnog objekta dođe do šteta ma kakvog karaktera, korisnik vodne dozvole je dužan uzroke nastalih šteta otkloniti, a nastale štete trećim licima nadoknaditi.
8. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
9. U ovoj upravnoj stvari plaćene su sve upravne pristojbe.
10. Ova vodna dozvola, shodno članu 117. stav (1) i 129. Zakona o vodama se daje sa rokom važenja od 5 (pet) godina od dana pravosnažnosti ovog rješenja.
11. Prije isteka važnosti ove dozvole Korisnik je dužan da podnese zahtjev za izdavanje nove vodne dozvole.
12. Ovo rješenje o vodnoj dozvoli može se izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

Obrazloženje

Pravno lice «ENERGOPETROL» d.d. Sarajevo, dana 15.08.2022.godine, podnijelo je, ovoj Agenciji, zahtjev za izdavanje vodne dozvole za ispuštanje tehnoloških i oborinskih onečišćenih otpadnih voda u prirodni recipijent sa lokacije objekta benzinske pumpe sa autopraonicom i ostalim pratećim sadržajima «Jelah» izgrađenog u ul Husejina kapetana Gradaševića bb, naselje Jelah na zemljištu označenom kao k.č. broj: 143/1 K.O. Jelah, općina Tešanj.

U provedenom postupku dostavljena je i pregledana sljedeća dokumentacija:

- Kopija Rješenja o izmjenama podataka u sudski registar broj: 065-0-Reg-21-0033840 izdatog dana 27.10.2021. godine od strane Općinskog suda u Sarajevu,
- Kopija Uvjerenja o registraciji poreznog obveznika izdatog dana 09.01.2019. godine od strane Porezne uprave Federacije BiH-Kantonalni porezni ured Sarajevo,
- Izjava Lejle Arnautović - direktorica Službe zaštite zdravlja, sigurnosti i okoliša od 27.06.2022. godine, da u tehničko-tehnološkom smislu, obimu i uslovima korištenja voda, kao i u ispuštanju otpadnih voda na objektu benzinske stanice «Jelah» nije došlo do promjena od izdavanja Rješenja o vodnoj dozvoli broj: UP-I/25-3-40-412-3/17 od 08.09.2017. godine i izvršenog uviđaja na terenu,
- Kopija Rješenja o odobrenju za građenje broj: 12-23-6152 izdatog dana 13.12.2011. godine od strane Ministarstva za prostorno uređenje, promet i komunikacije i zaštitu okoline Zeničko-dobojskog kantona,

- Kopija Rješenja o upotrebi građevine broj: 12-23-02296/12 izdatog dana 07.06.2012. godine od strane Ministarstva za prostorno uređenje, promet i komunikacije i zaštitu okoline Zeničko-dobojskog kantona,
- Kopija Rješenja o okolinskoj dozvoli broj: 12-23-8457/17 izdatog dana 21.03.2018. godine od strane Ministarstva za prostorno uređenje, promet i komunikacije i zaštitu okoline Zeničko-dobojskog kantona,
- Kopija Zaključka o odbacivanju zahtjeva broj: 05-25-495-2/12 izdatog dana 03.05.2012. godine od strane Ministarstva za poljoprivredu, šumarstvo i vodoprivredu Zeničko-dobojskog kantona,
- Kopija Rješenja o vodnoj dozvoli broj: UP-I/25-3-40-412-3/17 izdatog dana 08.09.2017. godine od strane «Agencije za vodno područje rijeke Save» Sarajevo,
- Kopija Ugovora o čišćenju separatora i bioloških prečišćivača zaključenog dana 05.08.2019. godine sa «DELTA PETROL» d.o.o. Kakanj,
- Kopija radnog zapisnika o radovima na pranju i čišćenju separatora od 05.08.2022. godine,
- Izvještaj o monitoringu kvaliteta i kvantiteta otpadnih voda benzinske pumpe «ENERGOPETROL» Žepče broj: 356/22, mart 2022. godine urađen od strane «Inspekt-RGH» d.o.o. Sarajevo,
- Izvještaj o monitoringu kvaliteta i kvantiteta sanitarno-fekalnih otpadnih voda benzinske pumpe «ENERGOPETROL» Žepče broj: 357/22, mart 2022. godine urađen od strane «Inspekt-RGH» d.o.o. Sarajevo,
- Opšti akt o održavanju, korištenju i osmatranju vodnog objekta i postupanje u slučaju kvara, septembar 2013. godine,
- Dokaz o uplaćenju upravnoj taksi.

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u cilju utvrđivanja relevantnih činjenica u ovoj upravnoj stvari.

U cilju utvrđivanja činjenica vezanih za ispunjenje uslova u smislu izvršavanja obaveza propisanih tačkom 3. iz starog Rješenja o vodnoj dozvoli (broj: UP-I/25-3-40-412-3/17 od 08.09.2017. godine) zatraženo je očitovanje Službe za prikupljanje prihoda od vodnih naknada ove Agencije po pitanju izmirivanja obaveza uplate posebnih vodnih naknada, tj. eventualnom dugu i visini duga podnosioca zahtjeva.

Na osnovu očitovanja Službe za prikupljanje prihoda od vodnih naknada od 31.08.2022. godine konstatovano je da podnosilac zahtjeva «ENERGOPETROL» d.d. Sarajevo redovno izmiruje svoje obaveze uplate posebnih vodnih naknada.

U skladu sa članom 12. stav (5) i (6) Pravilnika o sadržaju, obliku, uslovima, načinu izdavanja i čuvanja vodnih akata («Službene novine Federacije BiH», broj 31/15, 55/19, 41/20 i 63/22), izvršen je obilazak predmetnog objekta dana 18.10.2022. godine i tom prilikom je sačinjen Zapisnik o uviđaju broj: UP-1/21-3-40-411-3/22.

Na osnovu dostavljene dokumentacije i izvršenog uviđaja na licu mjesta utvrđeno je sljedeće:

Objekat benzinske pumpe sa samouslužnom autopraonicom i ostalim pratećim sadržajima «Jelah» izgrađen je uz magistralnu cestu M-4 (Teslić-Karuše) u naselju Jelah, ul Husejina kapetana Gradaševića bb, općina Tešanj. Objekat benzinske pumpe se sastoji od uslužno-prodajnog objekta, nadstrešnice sa automatima za istakanje goriva, podzemnih rezervoara za skladištenje goriva, rezervoara za TNG kapaciteta 10m³, separatora masti i ulja i samouslužne praonice sa tri boksa za pranje vozila.

Tehnološke otpadne vode nastale pranjem vozila se zajedno sa onečišćenim i zauljenim oborinskim vodama sa radnih, saobraćajnih i manipulativnih površina benzinske pumpe prikupljaju sistemom slivnika i kanalizacione mreže i odvođe na tretman u tipski separator masti i ulja. Preliv iz separatora je, preko okna za monitoring, u mjesnu kanalizacionu mrežu sa krajnjim ispuštom u rijeku Usoru.

Radne, saobraćajne i manipulativne površine su završno obrađene asfaltom odnosno betonom, sa padovima prema slivnicima.

Smještaj goriva se vrši u ukopanim dvoplašnim čeličnim rezervoarima ukupne zapremine 120m³ (2x(30+30)m³).

Monitoring otpadnih voda se vrši redovno. Na uvid je dostavljen Izvještaj o monitoringu kvaliteta i kvantiteta tehnoloških otpadnih voda benzinske pumpe «ENERGOPETROL» Jelah od marta 2022. godine, urađen od strane «Inspekt-RGH» d.o.o. Sarajevo. Ispitivani parametri zadovoljavaju MDK utvrđene Uredbom o uslovima ispuštanja otpadnih voda u okoliš i sisteme javne kanalizacije.

Čišćenje separatora se vrši redovno od strane «DELTA PETROL» d.o.o. Kakanj (priložen radni zapisnik o pranju i čišćenju separatora od 05.08.2022. godine).

Na osnovu provedenog postupka, dostavljene dokumentacije i uviđaja izvršenog na predmetnoj lokaciji, a u svrhu smanjenja negativnih uticaja predmetnog objekta na stanje voda i vodni režim, podnosiocu zahtjeva su ovom vodom dozvolom u tački 2. dispozitiva Rješenja propisani uslovi u skladu sa odredbama članova 53. i 116. Zakona o vodama, člana 12. i 13. Pravilnika o sadržaju, obliku, uslovima, načinu izdavanja i čuvanja vodnih akata i odredbama člana 3. tačka s) i tačka cc) Uredbe o uslovima ispuštanja otpadnih voda u okoliš i sisteme javne kanalizacije.

Tačka 3. dispozitiva rješenja je propisana u skladu sa tačkama 12. i 35. Pravilnika o načinu obračunavanja, postupku i rokovima za obračunavanje i plaćanje i kontroli izmirivanja obaveza na osnovu opšte i posebnih vodnih naknada («Službene novine Federacije BiH», broj 92/07, 46/09, 79/11 i 88/12) i Odlukom o visini posebnih vodnih naknada («Službene novine Federacije BiH», broj 46/07).

Na osnovu provedenog postupka konstatuje se da je podnosilac zahtjeva «ENERGOPETROL» d.d. Sarajevo ispunio minimum uslova za izdavanje vodne dozvole za ispuštanje tehnoloških i oborinskih onečišćenih otpadnih voda u prirodni recipijent sa lokacije objekta benzinske pumpe sa autopraonicom i ostalim pratećim sadržajima «Jelah» izgrađenog u naselju Jelah, općina Tešanj, te je riješeno kao u dispozitivu ovog Rješenja.

Podnosilac zahtjeva je uplatio i posebne troškove shodno Zaključku ove Agencije, broj: UP-1/21-3-40-411-2/22 od 05.09.2022.godine.

Podnosilac zahtjeva je uplatio upravnu taksu u iznosu od 70 KM u skladu sa Zakonom o izmjenama i dopunama zakona o federalnim upravnim taksama i tarifi federalnih upravnih taksi («Službene novine Federacije BiH», broj 06/98, 8/00, 45/10 i 43/13).

Uputa o pravnom lijeku:

Protiv ovog Rješenja može se uložiti žalba Federalnom ministarstvu poljoprivrede, vodoprivrede i šumarstva u roku od petnaest dana od dana prijema Rješenja.

Žalba se predaje ovom organu neposredno ili preporučeno poštom. Žalba se taksira sa 15 KM administrativne takse prema tarifnom broju 3. Tarife federalnih administrativnih taksi.

Obrađivač akta:

Nermina Hodžić, dipl.ing.građ.

Po ovlaštenju:

Rukovodilac sektora za izdavanje vodnih akata



Haris Ališehović

Haris Ališehović, dipl.ing.građ.

Dostaviti:

- «ENERGOPETROL» d.d. Sarajevo
ul. Azize Šaćirbegović br. 4b, 71000 Sarajevo
- AVP Sava, ISV-vodna knjiga
- Sektor 50
- Ⓢ Sektor 40 – arhiva
- oglasna ploča – AVP Sava